

Grupo di baile "Rhoda Super Stars" den Bon Bini Festival

ORANJESTAD(AAN)-- Diamars awor lo tuma lugar otro Bon Bini Festival den Fort Zoutman, cuminzando 6.or y mei di atardi.

Lo bay tin actuacion musical di "Tipico Arubano", bao direccion di señor Hyancintho Geerman y grupo di baile "Rhoda Super Stars", bao direccion di señora Beta Croeze ademas e grupo di baile "The Alimah Aruba", bao direccion di señor Stanley Dabian lo presenta nan bailenan folklórico y moderno.

Standnan di artesanía,

cushina, cos dushi, coco lo ta na disposicion di tur presente.

Animacion lo ta na encargo di señor Leonard (Lenny) Denz, mientras cu señor Gilbert Albertus lo percursa pa equipo di sonido.

Bar lo ta na encargo di Holiday Inn Hotel.

Entrada hende grandi lo ta 2 Florin, y mucha ta paga unicamente 1 Florin.

Diamars awor 28 di Juni, lo por goza di un anochi cultural den Fort Zoutman, esta nos Bon Bini Festival.

Tur cos ta cla pa e festival tipico

ORANJESTAD(AAN)-- E tipiconan cu lo participa pa e festival, lo bay tin 9 grupo cu lo toca sin coriente, y tambe lo tini 6 grupo cu coriente y como gueststar e anochi lo bay ta Tipico Caribe.

Lo bende carchi na porta cual lo bay ta 5 Florin.

Lo bay tin un total di 15 agrupacion pa e anochi ey, kende nan lo ta: Los Campesino, Lusero del Alma, grupo 07, Los Arbonitos, Tipico Kibra hacha, los Preferidos, Grupo Alegre, tipico del Campo, Ola Tropical, esaki nan lo ta e gruponan sin coriente.

Esun nan cu coriente lo ta Tipico Plastero, Tipico Palili, Boysie, Tipico Los Amigos, Ola Tropical y Los Piementoso.

Lo bay tin 6 trofeo disponibel mas mil florin na placa cash.

E promer premio lo ta 250 Florin mas un trofeo segundo premio 150 Florin mas un trofeo, tercer premio 100 Florin mas un trofeo.

Tambe lo bay tin un promer premio di 250 Florin, segundo premio di 150 Florin y tercer premio di 100 Florin.

E resto lo ricibi un plakaat como recuerdo.

Telefoonnan di Diario

Tel: 26747

Tel: 22207

Tel: 35026